

استمتع بحلوة الصلاة (الجزء الأول) سلسلة بناء النفس المطمئنة

م/ علاء حامد

علاء حامد

الحمد لله واصعد ان لا الله الا الله وحده لا شريك له واصعد ان محمدا عبده ورسوله صلى الله عليه وسلم. اما بعد. ونحن في اه مرحلة البناء نحاول ان نبني - 00:00:00

نفسا مطمئنة. نحاول ان نرى في هدي النبي عليه الصلاة والسلام. وفي هدي الصحابة الكرام كيف تحولت هذه النفوس التي كانت اسوأ من نفوسنا لمراحل؟ الى هذه المراتب العالية من مجاهدة النفس والذكر - 00:00:20
الصلاوة والعبادة والعلم. كل ما كل ما تخيله في الدين ضربوا فيه اروع الامثلة. رغم انهم كانوا بالامس منهم القاتل ومنهم المعادي ومنهم الصد عن سبيل الله ومنهم من كان يسجد للاصنام كيف انتقلت هذه النفوس هذه النقلة؟ الهائلة وكيف بنت هذا البناء الشامخ للنفس المطمئنة - 00:00:40

فتتبع ما تعرض له الصحابة في مهد اسلامهم وتتبع ما فرض عليهم او ما شرع لهم في بداية العهد المكي يجيبك عن هذه الاسئلة ذلك كان آآ منهجنا في قضية البناء - 00:01:04

هي انا نرى ما الذي تعرض له الصحابة؟ في هذه المرحلة الحرجة. مرحلة الانتقال من لا اسلام لا يعرفون شيء. الى مرحلة القوة الشديدة في العمل والبذل وترك المعصية الى ان صاروا عدوا ثقات. زي ازاي النفوس دي اتحولت - 00:01:28
فكانت الاجابة انهم تعرضوا لامور منها القرآن ده لسه حياتي معنا. لكننا احنا بدأنا السلسلة دي بالكلام على الجزئية في القرآن معينة وهي تربية الصحابة على الدار الاخرة. لأن القرآن كان قرآن - 00:01:49

اللي بينزل في الاول ما كنش فيه احكام كتير. ما كانش فيه اوامر ونواهي كتير. انما كان عهد المكي غالبه كلام على الجنة والنار القصص وغير ذلك. فاتكلمنا في البداية عن اه الدار الاخرة واتكلمنا عن الجنة والنار. ثم انتقلنا الى الى المحور الثاني. وهو المحور - 00:02:03

انا عايز اركز عليه النهاردة. لكن احنا استفتحناه بدرس عن الدعاء. على اعتبار ان الدعاء هو كان برضه محور كبير من محاور تغيير الصحابة وهو مقدمة للمحور الاكبر الذي بين ايدينا اليوم هو ما تعرض له الصحابة في اول ما نزل من القرآن يا ايها المزمل - 00:02:23

قم الليل الا قليلا. نصفه او انقص منه قليلا او زد عليه ورتل القرآن ترتيلها. ثم يأتي اليه؟ يأتي التكليف ويأتي المقدمة دي هي مقدمة الاعداد. ثم يأتي بقى قضية اليه؟ القضية التي اه مراد ان نصل اليها انا سنلقي - 00:02:45
عليك قولنا تقولنا في تكاليف في اعباء في مجاهدة. ايه اللي هي ساعدك على كده؟ هي ساعدك على كده هذه المقدمة. الصلاة. ان ناشئة الليل هي اشد وطننا واقوى قيل ان لك في النهار سبحا طويلا في شغل كتير. واذكر اسم ربك وتبطل اليه تبتيلها. فنجد ان الصحابة الكرام رضي الله عنهم وارضاهم - 00:03:05

كان اول ما بدأ بهم الامر الصلاة. كانوا يصلون بالليل. فظلت قيام الليل لمدة عام. فرض عليهم او على النبي عليه الصلاة والسلام. آآ ثم بعد ذلك تحول الى نافلة ثم فرضت بقى بعد كده الصلوات في بعد رحلة الاسراء والمعراج الظهر والعصر - 00:03:25
الصلوات المعروفة. لكن انا نجد ان الصحابة الكرام تلقوا تربية عالية. كانت هذه التربية عبارة عن تلقي للقرآن ومدارسة هذا داخل

ادت ان - 00:03:45 داخل الصلاة. داخل الصلاة. مع ما تعرضوا له من مواضيع القرآن نفسه. لذلك من المهم جدا ان انت تفهم القضية ديت. انك انت اذا

شوبه طب ايه حكم الموسيقي ؟ طب ايه - 00:04:05

حكم شعري طب ينفع اسلم على صاحبتي تراسيب اصحابي يعني انت قاعد تتعرض لايها؟ لشوية امور عشوائية مش هتوصلك في الآخر ان انت تبقى كيان. لكن احبابي الكرام بدأوا بتأسيسات قوية انتهى بهم الامر الى التخلص من كل الايه؟ من كل المشاكل ديت ببساطة وسهولة. فكانت القضية قضية الصلاة - 00:04:25

هي قضية محورية جدا في مسألة بناءك. يعني شخص متلزم او عايز يتلزم وعايز يبقى له شأن في الالتزام او في الدعوة او في طلب العلم. وليس له شأن في الصلاة - 00:04:45

يبقى هيئات ان تضيع وقتك. لن يكون لك شأن. انما الشأن كل الشأن يبدأ في المحراب. محراب الصلاة. ثم يكون لك شأن في سائر للمغارب. فإذا لم يكن لك شأن في محراب الصلاة فمن الصعب ان يكون لك شأن في اي محراب اخر - 00:04:58

فكل الدنيا تبدأ من محراب الصلاة. هكذا بدأ النبي عليه الصلاة والسلام من محراب الصلاة وهكذا بدأ الصحابة محراب الصلاة. فمن هنا ننطلق. يعني لا داعي لأن تضيع وقتك في اتجاه آخر - 00:05:16

هي القضية مش في مجرد الصلاة. والا والا فممكن: كلام واحد فينا - 00:05:33

طب ما انا بصلبي من زمان ده اانا وانا عيل صغير ما قطعتش الصلاة ابدا. وفي نفس الوقت باصلي وخاربها. وباعمل كل حاجة غلط
وميظ الدنيا وباعمل عادة سرية ويمشي - 00:05:48

بس انا في الصلاة ما ضيعش الصلاة.انا اتربيت على كده واهلي ريوني على كده. وعمري ما ضبع صلاة وباصلي الفجر كمان. بيقي القضية عندي انا مش مش في مجرد ان انت تصلي. في القضية عندنا في ذوق معاني الصلاة. وذوق حلاوة الصلاة. والخروج من الصلاة بالثمرات والفوائد - 00:05:58

الصلوة لها لها مقصد. مش مجرد انك انت بترمي حمل من على كاھلك عشان بس ما اخشش النار او عشان اخذ ثواب. لا والا فالصلوة امروا اعظم من ذلك بكثير. الصلوة دي قضية تربوية ضخمة جدا. الصلوة دي لازم تطلع منها بمعاني. فازا لم تخرج - 18:06:00

فيبيق اثر الصلاة دي في حياتك ضعيف. اثر الصلاة دي في حياتك ضعيف. فالهدف اللي احنا عايزين نوصل له ان احنا نصلّي صلاة بنائية يعني مش صلاة مجرد ان انا عايز اقول لك بس صلّي عشان ما تخشّش النار. لا لا. انا السلسلة دي باتكلم في مستوى اعلى.

نتكلّم فعايزين نبني شخص نبني شخص عالي - 00:06:38

في الهدایة نبني شخص مؤثر. في الالتزام مش مجرد ملتزم عادي. يبقى انا بتكلم دلوقتي مش انك انت تصلي او ما تصليش. لا ده كانت سلسلة تانية اتكلمنا عن القصة دي - 00:06:58

انا كده هكلمك النهاردة ازاي الصلاة دي تتحول الى لذة وحلواوة وحياة وثمرات وفوائد وتربيويات هي دي قضية انا ببدأ مع المبتدأ بقول له صل وخلاص. لكن انا بتكلم دلوقتي في مستوى عايزين نعلى. عايزين نزوق حلواوة الصلاة. عايزين نستشعر معاني -

كلام جميل قوى في القصة دي. كان رتب الناس في الصلاة خمس درجات. خمس درجات. الناس اللي بتصلى. قال لك الاولاني الاولاني

هو الظالم لنفسه بيصلني وهو ظالم لنفسه. قال هو الذي انتقص من وضونها ومواقيتها او ارkanها. يعني صلي - 00:07:48
في الاوقات. بيجمع صلوات مع بعض. بيقول ده زالم نفسه بيصلني. بس اما ابن القيم ظالم لنفسه. او بيكروت في الوضوء وممكן
وضوءه يبقى باطل هو مش حاسس او مش عارف حاجة في فقه الصلاة فقد يخطئ في الاركان وما يعرفش حاجة في سجود سهوا
ما يعرفش الموضوع ازاي. ممكن صلاة تفسد منه بسبب الجهل دوت. فابن القيم سماه - 00:08:08

ظالم لنفسي. يعني دوت اصلاً بيصلني وييمكن يعني مع الصلاة بيأخذ سينات. قال لك الثاني يحافظ على المواقف مية مية والحدود
والاركان الظاهرة. حلوا ده؟ كوييس. بيقول ولكنه يستهلك قال ولكنه اه بيقول يعني بيركز ان هو يعمل افعال زاهدة بس. بيقول
النوع الثاني بيركز ان هو يعمل الاعمال الزاهدة. يعني ايه الموضوع عايزينه ايه؟ نغسل وشنا وايدينا مش غسل - 00:08:28
عايزين نعمله نصلي ازاي؟ فيه ركوع وفيه سجود هو بالعدد يعني. نركع مرة ونسجد مرتين بس هو مركز على ايه؟ على الشكل بس.
الشكل بس. قال ولكن انه استهلك من وسوسه الشيطان. الصلاة بتاعتته اندمرت بسبب الايه؟ وسوسه الايه؟ الشيطان. فالشيطان
داخل له في كل في كل ركن. فليس له قلب - 00:08:56

في الصلاة اصلاً. يعني هو بيصلني من غير قلب. من غير احساس. من غير تدبر من غير اي فهم. هي قعدات. صلاة كم؟ اربع ركعات.
ركوع وسجدتين في كل ركعة وتشهد - 00:09:16

نقولوا كزا ونقولوا كزا وحافظها كده. فيخلص الصلاة بيطبع منها الصوم ما فهمش اي حاجة لأن هو اسناء الصلاة طول الصلاة بيفكر
في حاجة. طول الصلاة ازكر كما جاء في الحديث يأتيه الشيطان يقول ازكر كزا ازكر كزا حتى يخرج من صلاته - 00:09:26
ولا يدرى كم صلي. لايدرى كم صلي. فده المرتبة الثانية. بيصلني في الاوقات وبيجيبي الاعداد تمام بس هو طالع من الصلاة زي ما
دخل اللي زاد على الاولاني ان هو مش معاقب. مش معاقب يعني ايه ناجي يوم القيمة عشان ما اضيعش الصلاة في وقتها.
فيبيقول المرتبة الثالثة - 00:09:41

بيقول واحد حافظ على الاركان والاوقات وزي الايه؟ زي اللي فات ولكنه اشتغل بطرد الوسوسه يا ما ركزش في معاني الصلاة نفسها.
هو استهلك في مجاهدة الايه؟ مجاهدة الشيطان. يعني كل همه - 00:10:01

الشيطان ما ياخدش منه في الصلاة. بس هو نفسه ما خدش حاجة من الصلاة بقى يعني هو استهلك كل طاقته في ايه؟ في ان هو
يجاحد الشيطان. ان انا ابقي عارف انا فين. ان انا ابقي ما اسرحش في الصلاة. بس هو ما ركزش في المعنى بتاع
الصلاه - 00:10:19

انما استهلك كل وقته في ايه؟ في دفع وسوسه الايه؟ الشيطان. فيبيقول هذا له اجر الصلاة واجر المجاهدة. يعني ده بدأنا ايه؟ بدأنا
في كوييس. ماشي. كوييس. ده ايه؟ ده ما وسوسش في الصلاة بس ما خدش ليه؟ ما خدش الثمرات. بيقول الرابع من قام الى الصلاة
اكمـ الحقوق والاركان والحدود - 00:10:33

وكل دوت ولكنه استغرق بيقول اه استغرق قلبه في مراعاة الحدود والحقوق لثلا شيء منها وهمه مصروف الى اقامتها كما ينبغي
واماها واتمامها. يعني دوت بقى ركز ان هو يعمل الصلاة بشكل كوييس - 00:10:53

يعني ايه؟ يعني عمل بقى ايه؟ ركز مش بس اركان لأن ده عمل الاركان والواجبات والمستحبات والهيبات وكل حاجة جميلة في الصلاة
بس هو ركز بس برضو في ان هو يعمل كل حاجة في الصلاة صح - 00:11:13

بس لسه برضه ما طلعش بالايه؟ ما طلعش للثمرة. بيقول الاخير بقى بيقول هذا الذي اذا قام الى الصلاة اخز قلبه ووضعه بين يدي
الله ده بقى ايه؟ ده ده الكبير قوي ده بقى. ده الخامس. بيقول ده بيخش الصلاة ما بيفركرش في القصص دي. القصص دي هو عداها
من زمان. ما فييش بقى مجاهدة وسوسه شيطان - 00:11:30

ويقع ديركز في الاعداد والمقامات ووضع وايدك فين ورجلك فين وصعبك فين الكلام ده هو عداه الكلام ده بيعمله ببساطه هو
الموضوع عدى كده قال وضع قلبه بين يدي ربها. بين يدي ربها. فهو نازر بقلبي اليه. مراقبا له. ممثلنا من محبته - 00:11:50
كانه يرى ويشاهد وقد انحلت تلك الوساوس والخطرات وارتقت حجبها بينه وبين ربها فهذا بينه. وبين الغافل في الصلاة اعظم ما

بين السماء والارض. وهذا في صلاته مشغول بربه عز وجل قرير العين به. هو ده اللي احنا عايزين نوصل له - 00:12:08
يبيقول فالاول معاقب. اللي هو ايه؟ ضيع الاوقات. والثاني محاسب. اللي هو صلى بس سرحان طول الصلاة. ده هيتحاسب. ربنا بقى
ممكنا ايه؟ او الثالث مكفر عنده يعني ربنا يغفر له دوت. اللي هو قعد طول الصلاة يجاهد ووساووس الالاية؟ الشيطان. والرابع منتاب.
كوييس ده. وبعد كده نخش بقى الخامس. والخامس قريب من الله - 00:12:32

ده اللي ايه؟ ده ده اللي طالعة بالفوايد كلها. يعني اللي قبل الاخير الرابع خد سواب كبير. بس ما طلعش بالالاية؟ بالثمرات برضو
الخامس بقى هو اللي جاب كل حاجة. الذي وضع قلبه بين يدي ربه. فخرج بنفسية تانية اصلا. مش مجرد خرج ان الصلاة تمام ومش
معاقب ومساب كمان - 00:12:55

كوييس جدا بالنسبة لنا. لأن ده بيتكلم الخامس خرج بال حاجات دي كلها وخرج بنفسية تانية زهد في الدنيا خرج به تعظيم للرب جل في
علاه. خرج الصلاة دي نهيتها عن الفحشاء والمنكر هي دي. هي ده السؤال اللي انا عايز اسأل نفسي - 00:13:15
متى نهتني الصلاة عن الفحشاء والمنكر اذا كان هذا هو الاصل فيها ان الصلاة تنتهي عن المنكر. متى صليت انا صلاة؟ خرجت منها
بقرار ان الصلاة دي بعدها خدت قرار انا او لقيت نفسي قفلت من معصية معينة. او لقيت نفسي عندي - 00:13:32
يعني قوة ان انا اخذ قرار معين في حياتي كان واقف. سواء في فعل طاعة وفي ترك معصية الصلاة ما بتعملش معندي كده ليه انا هل
الصلاه هي موضع راحتي ولزمي - 00:13:51

وموضع السرور وطمأنيني ارحنا بها ايه؟ يا بلال. هل انا ادخل في الصلاة فأشعر بالراحة؟ هل انا ادخل في الصلاة؟ اشعر انني لا اريد
ان تنتهي الصلاة. واود لو اني - 00:14:05

لا اخرج منها ابدا. مش بلاقي الكلام دوت ما علش هنضحك على بعض. واحد بالك؟ هل الصلاة قرة عيني كما كانت للنبي؟ عليه الصلاة
والسلام؟ هل الان اذا حزبني امر افزع اول ما افزع الى الصلاة - 00:14:18
كان النبي عليه الصلاة والسلام اذا حزبه امر افزع الى الصلاة. هل اجد فيها الاجابات عن اسئلتي الحائرة هل اجد فيها يعني القوة التي
تعينني على القرارات المتعلقة في حياتي هل الصلاة قوة بالنسبة لي؟ هل الصلاة مأنينة؟ هل الصلاة راحة بال؟ هذه اجابات. اسئلة لازم
تسأل نفسك. لأن هي الصلاة المفروض تبقى كده - 00:14:32

ان هي مش مسألة تنجو من النار وتأخذ سواب وتخش الجنة. الموضوع فيه موضوع تاني. فيه موضوع ان ديت تربية. فيه موضوع
ان ديت قضية كبيرة قضية الصلاة اه ما اثر الصلاة على ترك المنكرات؟ زي ما قلنا الالية. ما اثر الصلاة عندي على - 00:14:57
بغضي للشهوات المحرمة. اهو ربنا بيقول كده. فخلف من بعدهم خلف اضاعوا الصلاة اتبعوا الشهوات. يبقى لما اضاعوا الصلاة حصل
ايه؟ تابعوا الشهوات. يبقى المفروض العكس يحصل. لما حافظوا على الصلاة تركوا ليه؟ تركوا الشهوات بقى - 00:15:14
هو اللي اضاع الصلاة اتبع الشهوات. يبقى اللي حافر على الصلاة المفروض يكون ترك الشهوات. فما هي الصلاة؟ ايه الصلاة اللي
بتخليني اما اصليها اترك الشهوات دي ايه هي الصلاة اللي بتتحتنى على فعل الخيرات - 00:15:30

انظر الى الروابط ارأيت الذي يكذب بالدين. فذلك الذي يدع اليتيم ولا يحضر على طعام المسكين. فويل للمصلين الذين هم عن
صلاتهم ساهون لما سهو عن الصلاة تجرأوا على ما هو - 00:15:46

اقل من الصلاة. الصلاة هي اعظم اعظم شيء لو تجرأ عليه الانسان يتجرأ على كل شيء. فممكنا يدع اليتيم ممكن لا يحضر على طعام
المسكين. خلاص طالما سب الصلاة. المفروض - 00:16:00

اللي بيصللي يجد في نفسه رقة يجد في نفسه رغبة في الصدقه. يجد في نفسه رق يعني عطف على المسكين واليتيم. الصلاة بتغير
في السلوك. مفترض ان الانسان قرأتنا نحن لا - 00:16:10

ان الانسان خلق هلوعا. مش كده؟ هلوع. دايما حريص على الدنيا. الدنيا كبيرة قوي في عينه اذا خسر منها اقل شيء اصابه فزع. اذا
اذا الاسباب بس بعدت عنه يحس ان هو ضاء - 00:16:23
لان الدنيا كبيرة عنده. ده الانسان بدون بدون تربية. ان الانسان خلق هلوعا اذا مسه الشر جزوها. في نفس الوقت اذا ملك لا ينفق او

يخشى الدواير بيخشى المستقبل ما يضمنش الرزق مش عارف ايه. اذا اذا مسه الشر اذا مسه الخير منوعا الا المصلين - [00:16:38](#)
الذين هم على صلاتهم ايه؟ دائمون. مش كده؟ يبقى وفي اخر الاية والذين هم على صلاتهم يحافظون. وتجد ما بينها حاجات
جميلة. طب انا فين من القصة دي ايه اثر الصلاة على سلوكى انا نفسي؟ في تعظيمى للدنيا في الرزق في خوفي من الناس في خوفي
في خوفي من الاسباب لما تندم في ثقتي في الله في - [00:16:57](#)

حسن التوكل هل الصلاة عملت معي شغل في الموضوع ده؟ لو كل ده مش موجود؟ يبقى احنا لسه ما وصلناش للذرة الصلاة. اثر
الصلاه في احساسك بالقرب من الله سبحانه وتعالى. قال تعالى واسجد وايه؟ واقترب. قال يا مريم ان الله اصطفاك وطهرك
واصطفاك على نساء العالمين يا مريم - [00:17:17](#)

لربك واركعي واركعي مع ايه؟ مع الراكيين. قال تعالى ولقد نعلم انه ليحزنك الذي يقولون فسبح بحمد ربك وكن من الساجدين. اثر
الصلاه في مواجهة الباطل. اثر الصلاه في قوته في الدعوه الى الله. اثر - [00:17:39](#)

طلب في تحمله لبعض الالتزامات وبعض الدعوه اثراها في قوه الصبر. استعينوا بالصبر والصلاه. ان الله مع الایه؟ مع الصابرين. يبقى
اذا كان الامر دوت مش حاصل يبقى لابد ان - [00:17:58](#)

نصلي صلاه جديدة. صلاه جديدة. الصلاه التي عنوانها هذه الصلاه لابد ان تعرف ان لها عنوانا. الصلاه هي حالة تخلص من ركام الدنيا
والاسباب والتراب وهي نقلة نوعية الى السماء - [00:18:12](#)

والفضاء والى الى نقلة نوعية بالروح الى اعلى الدرجات. هنالك حيث تطوف حول عرش الرحمن سبحانه وتعالى اذا طافت هنالك
حول العرش رأت الامور بالمقاسات الصحيحة انت عندما تقترب من الارض ترى كل شيء كبير مش كده - [00:18:31](#)

كل حاجة كبيرة الناس كبيرة ومشاكل كبيرة والازمات كبيرة والرزق ده موضوع يعني الدنيا كلها بتلف حواليه والشهوات دي
كبيرة قوي هنعمل معه والشيطان كبير اطلع فوق شوية تلاقي الدنيا بدأت تصغر العربيات بقت قد صباعك ومتش عارف الناس بقت
يعني اصغر شوية اطلع فوق خالص بتبتدى ما تشوفش بقى الایه - [00:18:50](#)

تيجي تشوف انوار بس المدينة كلها تتحول الى شوية انوار كده والطرق الطريق بقى عامل زي زي الفتلة كده طب اطلع فوق خالص.
ترى القارة قد قد كده اطلع فوق خالص. بدأت الكره الارضية تبقى قد كده. تطلع فوق خالص. بتبتدى تشوف الشمس بس - [00:19:10](#)

ما فيش كواكب خالص. ما بقتش باينة معك. اطلع فوق خالص. بتبتدى تلاقي الشمس دي اصلا مش موجودة. ده فيه مجرة ضخمة
جدا. هو فين المشاكل فين الرجل اللي كان بيأزني - [00:19:30](#)

فين فين الشهوات؟ فين فتنه النساء الرهيبة فين الموضوع اللي مش قادر ابطله من المواقع الصغيرة قوي. امال لو طلعت فوق عند
العرش؟ شف الدنيا عاملة ازاي؟ واشوف مقاسات المواقع ازاي - [00:19:43](#)

ساعتها هتلاقي ان الباطل ضعيف بص بقى ايه لدولك الشمس الى غسق الليل وقرآن الفجر كان مشهودا ومن الليل
فتهجد به نافلة لك عسى ان يبعثك ربك مقاما محمودا. وقل ربى ادخلني مدخل صدق. هو ده الصدق هو ده الحق. وآخر جنبي -
[00:19:59](#)

اخراج صدق واجعل لي من لدنك سلطانا نصيرا. وقل جاء الحق وذهق الایه؟ الباطل. امتى نطلع بالمعنى ده؟ لما يكون دلوقتي هي
طواوف حول العرش. اشوف بقى كل حاجة. هشوف الظالم ده قزم جدا ولا اي شيء خالص ولا يملك اي شيء. ساعتها يقف الغلام امام
الایه؟ امام - [00:20:22](#)

ملك الظالم يقول انك لست بقاتلني النبي يصلى صلاة صح. انك لست بقاتلني. يقف النبي عليه الصلاة والسلام الرجل
يقول له من يمنعك مني؟ يقول الله فيقع السيف من يد الرجل - [00:20:42](#)

ناس عالية ناس بتتكلم من فوق مش بيتكلم من تحت انت تحت تشووفها كبيرة لكن لما انت ترتفعي في سلم الصلاه الى
الدرجة الفعالية دي كل حاجة بتبقى مختلفة مختلفة. فالصلاه هي ارتفاع بالروح الى العرش. وهي تخلص تخلص - [00:20:58](#)
من الركام والتراب والاسباب والدنيا. كل ده يلقى وراء ظهرك. فازا صليت صلاة زي دي هتطلع بنتائج تانية خالص خالص. لذلك تجد

ان الصلاة شرع فيها امور ليست في اي عبادة. لا كلام - 00:21:18

لا طعام لا نساء لا التفات انما هو القرآن والذكر والتسبيح والتهليل فقط لا غير فاذا التفت لا تصح الصلاة. اذا لا تصح الصلاة. عشان في حاجة عايزيzin نوصل لها. الحالة ديت انك - 00:21:35

انت تسيب كل شيء اسمه دنيا وتبتدئ تنطلق انت بقى في ايه ؟ في المدارك. فافهم رسالة فافهم رسالة الصلاة. موضوع الصلاة مش بيبدأ الصلاة انا عشان ازوق حلاوة الصلاة انا عشان احول الصلاة دي لشيء فعال يغير في نفسي. الموضوع بيبدأ من الازان - 00:21:56

لازم تعرف كده كويس انك انت لو القصة مش بتبدأ معك من قول المؤذن الله اكبر يبقى البداية بتاعتك بداية ضعيفة ما بالك باللي بيجي الصلاة متأخر. احنا عايزيzin نبدأ من الازان عشان حقق المراد من الصلاة. مش عايزة ان انا اسمع الاقامة وابتدي اتواضا. وانزل - 00:22:20

الركعة الثالثة لا ده انت كده بتهزز. جميل ماشي صليت بس انا بقول لك مش هتطلع بالفائدة المرجوة. اللي عايزة يطلع بالفائدة الكاملة بيبدأ من صوت المؤذن. الله اكبر الله اكبر. تخترق الكلمة دي كل الحاجز. وتحطم كل ما هو كبير. وتلغي - 00:22:40

في كل ما هو في ظنك شاغل لك عن الصلاة. الله اكبر. الله اكبر دي بتجي لك مش مجرد بقى بتحس بحالة التعظيم وحالة ان انت لازم يستجيب لا بتحس ان الكلمة دي كل الكون من حولك بدأ يتفاعل. فاضل انت - 00:23:00

كل الكون حواليك بدأ ينسجم مع النداء. فاضل انت بس. النبي عليه الصلاة والسلام بيقول ان المؤذن يغفر له مد صوته ويصدقهم كل من يسمعه من رطب او يابس يردد معه يعني. يشهد له كل رطب ويابس. ازا انت استشعر يعني مجرد ما المؤذن قال الله اكبر تجاوب معه - 00:23:18

كل شيء كل شيء حواليك بدأ يتجاوب مع المؤذن وانت اللي فاضل. انت الوحدة اللي فاضل. فاضل الانسان فقط هو اللي ما تجاوبش الى الان فتجد نفسك مضطرب مدفعه الى انك انت تردد خلف المؤذن. تفاعل مع الكون. تفاعل مع الكون. لا تكون شازا - 00:23:47

لا تخرق هذا النظام الكوني الهائل. كل رطب ويابس الان يتفاعل مع المؤذن. فلا تكون ممزقا لوحدة الكون ولا تفسد هذا التناغم. تشعر ان الشيطان حتى تفاعل. مع هذا النزاع النداء. النبي عليه الصلاة والسلام اخبر ان الشيطان اذا سمع النداء - 00:24:08

ادبر وله زراط حتى لا يسمع التأذين. ابواب السماء تستجيب لهذا النداء. قال النبي عليه الصلاة والسلام اذا نودي للصلوة فتحت ابواب السماء واستجيب الدعاء. اذا نودي للصلوة فتحت ابواب السماء. واستجيب - 00:24:28

للدعاء فتجد انت الان بتبتدي تستشعر عظم المقام اللي انت داخل عليه. مجرد انت لسه ما اتوسيتش اصلا. لا ده مجرد انت سمعت صوت المؤذن فتشعر بالتناغم الهائل بين السماء والارض والجبال كل شيء يسمعه. طبعا فيكم موزن بيأذن وفيكم - 00:24:50 البلد كلها بتتأذن. ازا كل البلد بتتناغم الان. ما عدا البنبي ادم بس. فاضل البنبي ادم يتتناغم مع هذا النداء. فتشعر انت بقى نطلع بقى للمعاني العظيمة يسبح الرعد بحمده. والملائكة من خيفته. ولله يسجد من في السماوات ومن في الارض طوعا وكرها - 00:25:10 للغدو والاصال. الم ترى بقى الاية اللي ايه ؟ اللي تدفعك دفع الى انك انت تشعر ان انت داخل على على حاجة كبيرة قوي على مقام عالي على حاجة ربنا بيختار لها - 00:25:30

الم ترى ان الله يسجد له من في السماوات ومن في الارض والشمس والقمر والنجم والجبال والشجر والدواب وكثير من الناس وكثير حق عليه العذاب. ومن يهين الله فما له من مكرم. ان الله يفعل - 00:25:45

الو ما يشاء. تشعر ان الناس هتنقسم الان مع صوت الله اكبر الى قسمين. كثير من الناس سيسجد وكثير حق عليه الاية العذاب يرتبط به زهنك بنهاية الاية. ومن يهين الله فما له من مكرم. ذلك المفسر يقول من يهين الله بعده - 00:26:05

السجود وبعد الصلاة فما له من مكره. يبقى انا الان داخل على كرامة تستشعر انك لقاء للكرامة وانت تهرب من الاهانة لترك الصلاة. انت تهين نفسك. ازا اخترت الصلاة. انت تهين نفسك. اذا لم تستمتع بحلاوة الصلاة. من يهين الله - 00:26:25

ما له من مكرم كل قد علم صلاته وتبسيحه. فهل علمت انت صلاتك وتبسيحك؟ هل علمت كيف تتقارب الى الله وتصلی فلا فانت عندما تشعر بالايه؟ بالتناغم الكوني ده يتحطم عنك بقى شوية شوية حاجات في دماغك. منها انك لا تبالي - 00:26:44

من لم يصلی ولو لم يصلی احد الا انت تستشعر انك الطبيعي الوحد في في هؤلاء الانسان طبعا الملتزم غريب زي ما اخبر النبي عليه الصلاة والسلام لكن غريب بالنسبة للبشر فقط. ولكنه بالنسبة لباقي المخلوقات طبيعي - 00:27:04

طبيعي فلما انت تعيس الحالة الكونية اللي حواليك دي مع النداء تشعر ان انت طبيعي والدنيا تمام. والناس دي كلها غريبة. ازاي ما قاموش يصلوا ازاي مش رايحين لهذا النداء العظيم؟ ثم تسمع المؤذن يقول الله اكبر ويكرر الله اكبر فيتضاء عنك كل - 00:27:20
المهمات وكل العقبات وكل الاوهام اللي في دماغك لدماغك من الصلاة. حتى كان بعض السلف يعني اه اه كان حداد يعني. فكان يضرب طب المطرقة. فازا سمع الله اكبر فلو كانت يده في العلو لم ينزلها. لم ينزلها. يعني سبها وهي في مكانها كده. ثم يذهب الى الصلاة مباشرة - 00:27:41

ده ناس بتسمع الله اكبر سماع مختلف وبالتالي اترت عندها سلوك تعظيم تعظيم نتج عنه اه استهانة بكل شيء الا الصلاة تعظيم ونظر في الكون خلاه ما يتأثرش باللي ما صلاش. خلاص انا هاروح اصلي - 00:28:01

انا في موعد مع الكرامة. لما يسمع بقى المؤذن يناري حي على الفلاح. دي بتتأسر في نفسه برضه. حي على الفلاح. حي على الفلاح. اذا القرار الذي اخذته انا بالصلاحة لن اندم عليه ابدا. مهمما كان من حولي يوهموني ابني ساندم. مذاكرتك - 00:28:19

الرزق المحل اكل العيش المشوار هيقوتك الدنيا المتع كل ده ليهم المؤذن يقول حي على الفلاح وهذا النداء تعلمناه من النبي عليه الصلاة والسلام فهو وحي. هذا النداء وحي. طالما قال حي على الفلاح اذا انا على موعد. مع الكرامة الان وعلى موعد - 00:28:39
مع الفلاح هنالك في الصلاة ستوزع الارزاق. ايها الموهوم ان رزقك سيتأثر. درجتك تتتأثر. مذاكرتك تتتأثر بالصلاحة. في الصلاة توزع ارزاق اسمع لقول الله تعالى وامر اهلك بالصلاحة اصطبغ عليها لا نسألك رزقا - 00:28:59

نحن نرزقك. انا بقول لك صل وانا اللي برزقك غريب انت. غريب الانسان ده والله. الذي يرزقه هو اللي بيقول له صل. فيقول له لا مش هصلبي عشان انا خايف على اكل عيشي. وانا وانت مين اللي يأكلك اصلا - 00:29:19

لا نسألك رزقا نحن نرزقك وكمان هديك زيادة عن الرزق والعاقبة للایه؟ والعاقبة للتقوى ما تروح انت بقى وانت ايه مطمئن جدا. ثم تذكر وهو والمؤذن يقول اشهد ان لا الله الا الله تشعر ان انك - 00:29:32

تكون كذاب في دعواك انه لا يعبد بحق الا الله ثم انت لا تصلبي. ولما تسمع المؤذن يقول اشهد ان محمد رسول الله تذكر ان حبيبك هذا الذي يذكر وانت تصلبي عليه الان عليه الصلاة والسلام كان اخر ما قال في حياته الصلاة. فازا كنت - 00:29:50

احب حقا. فلما لا تستجيب لهذه الوصية؟ يبقى كل كلمة في الاذان بتحركك. كل كلمة في الاذان بتقول لك اقبل ولا تخف. لن تندم ابدا على هذا القدر وانت موعد مع الكرامة مع الفلاح مع الرزق مع البناء مع طرد الشيطان - 00:30:10

طيب انا دلوقتي رايح بقى المعاد الجميل دوت. وانا على موعد الان مع التحليق انه انا حلق في الایه؟ ساحلقي الان في السماء. يبقى اول محور عندي من محاور التلزز الاذان نفسه - 00:30:26

لا زال نفسه هو محور كبير. المحور الثاني عندي وهو المسير قبل التحليق ايه المسير قبل التحليق دوت ايه حاجة بتحلق طيارة او كده او لازم الاول بتعمل ايه؟ تجري كده على ايه؟ على الممر. عشان تاخذ قوة دفع وبعد كده تبتدئ ايه - 00:30:40

تطير. انت رايح تطير في الصلاة. تحلق في سماء الصلاة. فلابد لك من مسيرة قبل الایه؟ قبل التحليق. يعني لازم تجري شوية كده قبل ما ننط بقى بعد كده في السماء. في جريمة كده لازم تاخدها. ايه بقى المسير اللي قبل التحليق اللي هيخلقي الصلاة هيخليني اجني الشمار. لان انا لو حلقت بدون مسيرة مش - 00:31:01

مش هعمل ارتفاع المطلوب. هيبقى في حاجة بتعنعني من ارتفاع المطلوب. ما هو التحليق اللي احنا عايزينه قبل المسير؟ هذا التحليق هو التوبة ما ينفعش تخش الصلاة كده ايه وانت شايل الشيلة التقيلة ديت. قبل الصلاة لابد من توبة. والتوبة دي هي هنيجي لك كده يعني بالايه؟ من عند - 00:31:21

ده ربنا في امور شرعاها الله سبحانه وتعالى لك تجعلك تسير قبل التحليق. يعني هو ربنا من كرمه لم يتركنا نسير كده ايه احنا مسيرة قبل التحليق لـأ. هو شرع لنا قبل الصلاة امور. لو انت ركزت فيها. هي مشكلتنا زي ما قلنا ان احنا مش بنركز في الحاجات دي. مش بنركز في المعنى اللي احنا بنعمله - [00:31:42](#)

وليه ربنا شرع دي هنا؟ وليه دي قبل دي؟ وليه دي في الاول وبعد كده دي لو فهمت القضايا دي ليه دي اتحطت تتحط هنا هتبتدى تطلع بالثمرة. لكن واحد مش عارف هي دي بتتحط هنا ولا دي اتحطت ليه هنا ليه؟ جهاز مسلا انت مش عارف الزرار ده بيعمل ايه - [00:32:02](#)

هتستفيد منه مش هستفيد منه انت اسمك معك جهاز وتتنظر مع الناس انا معندي ايه؟ معندي اييفون بس انت ما تعرفش تفتحه اصلا. ما تعرفش الايفون ده بيقدم لك ايه؟ الايفون - [00:32:18](#)

التليفونون ده المفروض بيقدم للمستخدم بتاعه مزايا مش موجودة عند حد. والا هو غالى ليه؟ هو لو قالوه قالوه طب ما هو كل التليفونات بتقول الو بخش على النت طب ما كلش اخون تليفونات خشن على النت جايب اييفون ليه - [00:32:29](#) لو انت مش فاهم الجهاز ده بيعمل ايه؟ ما تجيبيوش مش تطلع منه بثمرة. انت ما تعرفش هو بيقدم لك ايه. لذلك اللي مش عارف الشعائر الجميلة اللي قبل الصلاة وداخل الصلاة بتقدم له ايه؟ عمره ما يطلع - [00:32:44](#)

فايدة هيبيقي اسمه صلي زي اي واحد صلي. طب ما هو كله بيقول الو وكله بيخش على النت دفعت كل الفلوس دي ليه مم بيقى المسير قبل الایه؟ التحليق. والمسيرة بتاعتنا هي التوبة. التوبة دي بقى بتبدأ منين؟ التوبة دي بتبدأ بقى ايه؟ من - [00:32:57](#) اول لحظة في التوبة بتبدأ من ساعة ما الاذان خلص فتجد نفسك تقول بعد الایه؟ بعد الاذان تبتدى بقى ايه؟ تقول ايه الاذكار اللي بعد الاذان؟ وتجد فيها ايه؟ تشعر فيها بالقرب من الله سبحانه وتعالى. بعد كده هتبدأ - [00:33:16](#)

مرحلة الوضوء. وهي دي المرحلة الایه؟ الاقوى. في التحضير والمسير قبل التحليق. مرحلة الوضوء نفسها زات الوضوء مؤثر جدا. واذكار ما بعد الوضوء. دي المحورين دول لازم تركز فيهم جدا. اما الوضوء فان النبي صلي الله عليه وسلم - [00:33:34](#)

حکى لنا مشهدا رائعا رائقا للوضوء. قال عليه الصلاة والسلام ما منكم من رجل يقرب وضوءه فيمضمض ويستنشق فيستنثر الاخرت خطاياه. خطايا وجهه من فيه وخياشيمه. ثم فاذا غسل وجهه كما امره الله الا خرت خطايا وجهه من اطراف لحيته مع الماء. ثم يغسل يديه الى المرفقين - [00:33:54](#)

الاختر خطايا يديه من انامله مع الماء. ثم يمسح رأسه الا خرت خطايا رأسه من اطراف شعره مع الماء. ثم يغسل رجليه الى الكعبين الاخرت خطايا رجليه مع انامله مع الماء. فاذا هو قام فصلى - [00:34:24](#)

فحمد الله تعالى واثني عليه ومجده بالذى هو له اهل وفرغ قلبه لله تعالى. بص السمرة بقى الا انصرف من خطينته كيوم ولدته امه. في مقام لازم استحضره قبل ما اتوا. مقام المثقل بالذنوب - [00:34:44](#)

انت عنك ذنوب كتير وان انت ما ينفعش تخش كده اصلا. ولو دخلت كده مش هتلطع حاجة لازم ادخل وانا خفيف عشان اعرف اطير تشعر اولا اول مقام بيتدي انك انت تحضر به قلبك مقام التقصير والتفريط - [00:35:04](#)

تشعر بالقصير الشديد. والتفريط الشديد ولسان حالك يقول من انا حتى القى الملك وكيف سيسقطبني وانا محمل بهذه الخطايا؟ كان احد في بعض الامم السابقة في بعض الاسرائيليات يعني ان رجلا اراد - [00:35:22](#)

يدخل في الصلاة. في بعض يعني منبني اسرائيل رجلا اراد ان يدخل في الصلاة وكان لهم مكان كده بيصلوا فيه زي المسجد يعني. فلما وصل الى هذا المكان جاء ليدخل - [00:35:39](#)

بكى قبل ان يدخل وقال اومثلي يدخل للقاء الله. او مثلي يدخل للقاء الله؟ لكن هو دخل عشان ده واجب. بس هو يرى ان هو لا يستحق ان يلقى الملك فاوخي الله الى نبي الزمان - [00:35:54](#)

ان اخبر فلانا انه كتب في هذه اللحظة في مكانه صديقا عند الله شفت السمرة دي؟ الراجل ده اتحلت كل مشاكله خلاص. بمقام واحد

بس قبل الصلاة وهو مقام شعوره تقصير الشديد. كمية الخطايا اللي عليه. كمية الذنب اللي المفروض يتخلص منها قبل ان يدخل.
فاحنا الان في المقام دوت - 00:36:11

هتخش بقى الوضوء تنزل بقى نزل من ايدك ونزل من وجهك ونزل ونزل كل ده انت ايه بتتحضر للصلاه. وتعيش بقى الحالة دي انا لما
اتوضب النفسيه دي هتلaci نفسك - 00:36:37

تصبغ الوضوء حتى لو بتكره هو ده اللي بيخليلك اسباغ الوضوء على الايه؟ على المكاره. ان المطلوب من الوضوء اعلى بكثير من اللام
دوت. الدنيا ساقعة بقى حر الماية السخنة. الكلام ده بيعدى خلاص - 00:36:47
الموضوع سهل. لان انت مش بتتفكر في في مسألة ان الصلاة دي بعمل آآ واجب كده وخلاص. لا ده انت بتتفكر في موضوع كبير قوي.
فبالنسبة لك المكاره دي سهلة جدا - 00:36:59

سهلة جدا. بعد كده تطلع من الوضوء تكمel بقى. تقول اشهد ان لا الله الا الله. اشهد ان محمدا رسول الله. اللهم اجعلني من توابين
واجعلني من المتطهرين. وبعد كده تقول سبحانك اللهم ربنا وبحمدك اشهد ان لا الله الا انت استغفرك - 00:37:09
واتوب اليك شف بقى كم مرة انك انت لجأت الى الله واستغفرت وبعد كده هتمشي بقى ايه في خطواتك المسجد خطوة ترفع درجة
وخطوة تضع خطيبة كل ده مين اللي شرع لنا انت لسه انت ما عملتش حاجة من نفسك على فكرة. هو كل ده امور شرعت لك بس
انت افهمها افهم واحدنا - 00:37:29

المطلوب مني ايه؟ كل ده ليه؟ مطلوب ان انا اخش الصلاة خفيف. بيقى انا اركز في اللي انا بقوله. هو اركز في اللي انا بعمله. وحتى
خطوتي للمسجد برضو بتتساعدني. ده كل ده له - 00:37:51

كل ده عشان اخش بس في الصلاة. امال الصلاة هنطلع منها بايه؟ انت قبل ما تخش الصلاة كنت خلاص واخد بالك تنشط تمشي
خطوة ترفع درجة تمشي خطوة تضع خطيبة لغاية ما توصل باب المسجد تلaci نفسك تخش المسجد تقول باسم الله والصلاه والسلام
- 00:38:01

قال رسول الله. اللهم اغفر لي ذنبي. وافتح لي ابواب ايه فضلك ولا رحمتك رحمتك ليه؟ عشان انا داخل طب وانا طالع بقول ابواب
ايه من فضلك عشان انا خارج. خارج من مسجد للدنيا. فانا عايز الرزق بقى وعايز الايه؟ عايز بقى السمرات بقى. انا انا ما خلصتش
الصلاه اهو - 00:38:17

يلا بقى نلم الغلة بقى بيقى هو افتح ليه ابواب ايه ؟ فضلك. عايز الفضل انا بقى عايز بقى ما احنا طلعننا من الصلاة بقى
عايزين بقى ايه عايزين بقى التقوى وعايزين العلم وعايزين الرزق وعايزين البركة - 00:38:40

الاولاد والزوجة وكل الكلام ده زي ما بتتلخبطش بقى ما تخشش وانت مش داخل بيقى انت مش فاهم بقى قل هو رحمتك ولا فضلك
بيقى انت بقى مش مش مركز احنا بنعمل ايه؟ احنا داخلين يا ابني المسجد. داخلين برحمتك - 00:38:55
خارجين بيقى فضلك على طول بسهله جدا افهم المعنى. انت كل ده بتتحضر. كل ده بتخفف عشان انا هطير. لو المنطاد عليه
رملا كتير عمره ما هيطلع. لازم يشيله - 00:39:08

يشيلوا الشولة ديت عشان المنطقة دي يعلى وكل ما يرموا اكتر كل ما المنطقة يعلى اكتر. تمام؟ بيقى انا كده في سيري الى الى
التحليل بعد كده حتى يعني لو تأملت حتى احنا دلوقتي لسه هنخش الصلاة بس انا عايز انط نطة كده صغيرة. وهي دعاء الاستفتاح
حتى دعاء الاستفتاح بتلaci - 00:39:20

بيعمل لك دعم للايه ؟ دعم للقصة ديت. فتجد دعاء الاستفتاح فيه استغفار كتير. فالنبي عليه الصلاه والسلام كان احيانا يقول في
دعاء الاستفتاح اللهم باعد بيني وبين خطاياي كما باعدت بين المشرق والمغرب. اللهم نقني من الذنب والخطايا كما ينقى الثوب
الابيض من الدنس. اللهم اغسلني من الذنب والخطايا بالماء والثلج والبرد. كل ده - 00:39:40

عشان خلاص بقى دي دي بقى بتندمر بقى خلاص خلاص بجي卜 الآخر بقى. عشان اطير بقى خلاص انا في الصلاة نفسيهها تمام. ثم
تستشعر ان هذا الوضوء في الوضوء. ان هذا الوضوء هو همة الوصل - 00:40:00

بينك وبين النبي عليه الصلاة والسلام همزة الوصل بينك وبين النبي عليه الصلاة والسلام. لانك الى الان لم تلقى الرسول عليه الصلاة والسلام. وكل احلامك وطموحاتك انك انت تقابله على الحوض وتشرب من يدي عليه الصلاة والسلام. ولكن لعلك تسأل نفسك كيف سيعرفني - 00:40:18

كيف ساعرفننا عليه الصلاة والسلام ومن انا حتى يعرفني؟ انا مجهول من المجاهيل كيف سيشير الي ويعطيني بيده عليه الصلاة والسلام؟ كيف سيعرف امته عليه الصلاة والسلام؟ هذا السؤال سئله عليه الصلاة والسلام كيف - 00:40:40

فتعرفنا يوم القيمة قال انتم الغر المحجلين يوم القيمة من اثر الوضوء يعني على عائذكم تبقى لها لون مميز كده. ووشكم له لون مميز ابيض لانك انت كنت بتتوضا. فبتنستشعر ان انت بتطيع العلامة على جسمك وانت بتتوضا - 00:40:58

النبي عليه الصلاة والسلام قال لهم ارأيتم لو ان رجلا له خير بهم. يعني ايه اسود في اسود كلها؟ وفيهم فرس اغر محجل. فرس لوحده كده رجله بيضا ووشه ابيض. الا يعرفه - 00:41:20

قالوا له طبعا يعرفوا مسألة جدا. قال انتم الغر المحجلون من اثر الوضوء يوم القيمة. ده بيخليلك بقى انت انا بس مش مش بس بقى مسألة بقى خطايا لا ده انا بحط العلامة اللي بيبني وبين النبي عليه الصلاة والسلام. الهمزة الوصل اللي هيعرفني بها. فقد ايه الوضوء ده لوحده؟ بيخليلك ترتقي ارتقاء عالي جدا - 00:41:34

ثم بعد ذلك تستبشر انك اذا قلت دعاء بعد الوضوء قال النبي عليه الصلاة والسلام فتحت له ابواب الجنة الثمانية فتحت له ابواب الجنة الثمانية. بعد كده احنا كده وصلنا الى ايه؟ الى مرحلة بقى الایه؟ ارتقينا. علشان نصل الى قضية - 00:41:54

تحليل تحليق اسار بقى لاسار اللي انت عملته دوت. احنا قلنا ان انت اصلا كنت بتخفف عشان تخشن الصلاة بقى الموضوع بسيط بقى بعد كده. يعني الصلاة انت لسه برضه - 00:42:13

ممکن تكون شايل يعني مش هو النبي عليه الصلاة والسلام قال خرج من صاته كيوم ولدته ايه؟ امه. بيقى كل ده كان دعم كبير عشان اخف. بس هي ما وصلتش للصفر لسه. الصلاة بقى هي - 00:42:23

توصل الكلام ده للايه؟ للصفر. صفر صفر. ارأيتم لو ان نهرا في باب احدكم يغتسل منه كل يوم خمس مرات. هل بيقى من درنه شيء؟ كذلك مكريات لما بينها مكريات وقال النبي عليه الصلاة والسلام الصلوات الخمس مكريات لما بينها اذا اجتنبت الكبائر. تمام؟ وحديس جميل جدا بقى النبي عليه الصلاة والسلام بيقول - 00:42:33

قال تحترقون تحترقون. اذا صليتم الصبح غسلتها. يعني ايه تحترقون؟ يعني تعملوا سينيات. تسبب لكم اختراق لكن اذا صليتم الصبح غسلتنا. ثم تحترقون تحترقون. تعمل سينيات من الصبح للظهر. فازا صليتم الظهر غسلتها. ثم تحترقون تحت - 00:42:53
فازا صليتم العصر غسلتها ثم تحترقون تحترقون. فازا صليتم المغرب غسلتها ثم تحترقون تحترقون فازا العشاء غسلته. اذا صليتم العشاء غسلته. وقال النبي عليه الصلاة والسلام ان العبد اذا قام يصلى - 00:43:14

اوتي بذنبه كلها فوضعت على رأسه وعلى عاتقه. فكلما ركع او سجد تساقطت عنه. تساقطت عنه. بيقى انا دلوقتني بعمل تلtribut المهمة قبل ما اصلي. هخش بقى اخلص بقى. هو ايه اللي بيخليني مش عارف اقوم بالليل؟ ذنب. قال الرجل - 00:43:34

حسن البصري يعني شكى له انه لا يقوم بالليل. قال قيدتك الذنب. ايه اللي بيخليله مش قادر يتدارب قرآن الذنب فيران على القلب يحول بينه وبين انوار القرآن. مش كده - 00:43:59

ايه اللي بيخليني يعني آ حاسس يعني بالكسرة وغير ذلك الذنب. طب انا لما اتخلص من الذنب دي بالصلاحة واستطيع ان انا اطلع من الصلاة بذنب تقاد تكون انتهت بيقى انا ببني ولا مش ببني؟ ببني. لأن انا الان لما اقرأ القرآن حتدبره. ان ما باقاش فيه حواجز ببني وبين الانوار ديت. دلوقي هاقدر اقوم بالليل واحد قرار قيام الليل اظبط - 00:44:14

انبه على نفسي بصحي من الاول كنت تقيل ما اعرفش ما اصحاشر ليه؟ رغم ان انا نايم بدري. رغم ان كل حاجة تمام. بس انا ما بصحاش هصحي هتصحي - 00:44:36

لانك انت عرفت ازاي تطلع من الصلب بوحدة جديد. شخص مختلف شخص مختلف والذنب بيجيبي الذنب وقام قالوا ازا رأيت عند

الرجل سيئة فاعلم ان لها اخوات لو تبت من الذنب يبقى ربنا يعافي من الذنب اللي بعده - 00:44:47

ان احياناً بيكون من عقوبة الذنب ان تبتلى بذنب اخر واحد بيصل للبنات الموضوع بقى قلب بافلام بعد كده قلب بعادة سيئة طب ربنا تاب على من من نظر خلاص اتعافيت من ايه ؟ من التواعي دي كلها الصلاة . وانا دلوقتي - 00:45:06

بطلع ايه ؟ بطلع بنى ادم جديد من الصلاة هنخش الصلاة بقى خش الصلاة هتستشعر بقى ايه عظم المقام والراجل بيقول قد قامت الصلاة . قد قامت الصلاة الكلمة دي تقع في قلبك موقع . قامت الصلاة . يا له من مقام - 00:45:21

انا ساصلي انا ساصلي انا قد اذن لي دونا عن كل الناس اللي ما صلتتش ان اقف انا بين يدي الملك ومن انا حتى اقف بين يدي الملك ؟
انا الهباء في ملك الله - 00:45:44

انا الذرة التي لا قيمة لها يا زا الملوك الضخم العظيم هذا الملك الجبار الذي يملك السماوات والارض والجبال والاراضين . ويملك المائكة ذو العرش . ربيع الدرجات سبحانه وتعالي الدنيا كلها - 00:46:00

مثل خردلة مثل حبة رمل في صحراء رهيبة فكيف انا بالنسبة الي ؟ وها قد اذن لهذه الهباءة ان تقف بين يدي هذا الملك الجبار . وان تقترب منه . وان يقترب هو منها بنفسه جل في علاه - 00:46:21

قال النبي عليه الصلاة والسلام اذا كان في الصلاة اقبل الله عليه بوجهه اقبل الله عليه بوجهه قال ان احدكم اذا قام يصلی فانه ينادي ربه . فلينظر بما ينادي - 00:46:43

خش انت بقى كده ايه احنا داخلين الدخلة ديت . داخلين نصلي . داخلين وقد اذن لنا ان نكبر الله سبحانه وتعالي وان ندخل الى هذا المقام العالي الربيع وان نستقبل وجه الله سبحانه وتعالي . وان تكون في حضرة الملك سبحانه وتعالي قد اذن لي بذلك . واعطاني ووعدني - 00:47:07

والمنج والكرامات . هنالك تجد انك اللي انت داخل عليه ده اضخم بكثير جداً مما تركته وراء ظهرك . فيسهل عليك عندما تقول الله اكبر ان تلقي هذا التراب خلف ظهرك . فان الذي - 00:47:31

انت مقبل عليه اعظم واجل بكثير . فمش هتبقى مسألة صعبة . انك انت ترمي همومك . ترمي همومك وترمي مذاكرتك وترمي الوساوس وترمي الخواطر . هو ده اللي ابن القيم كان بيتكلم عليه . ان ده مش بيجاحد بقى خلاص . ما فيش بقى شيطان والكلام .
القصة دي بقت سهلة . هو اصلا - 00:47:47

قبل ما يخش الموضوع خلاص معه . الثاني اللي بيخش ده بيخش كان دخل كده الشيطان بدأ يلعب به . بدأ يعني بيعاشر في الصلاة نفسها . ده خلص المعاشرة قبل الصلاة كان دخل على المقام وخد حق المقام . فدخل لا سبيل للشيطان عليه اصلا . فده داخل يلم بس - 00:48:07

يلم ثمرات مش داخل لسه يزرع في الصلاة نفسها . لا ده داخل يجمع هو زرع خلاص قبل ما يكبر فاذا كبر الانسان ودخل في هذا المقام يجد نفسه يعني لو لم يشرع هذا لفعل يجد نفسه ينظر موضع السجود لا يستطيع - 00:48:29

ان يرفع عينيه فوق ذلك . فانه في حضرة الملك اذا كان الانسان في حضرة هذا الملك الكريم كيف يرفع عينيه كيف ارفع يديه ؟ ثم يجد نفسه يضع يديه على صدره في مقام اللادب ومقام الذل ومقام الخشوع - 00:48:48

ومقام المناجاة فلا ترفع بصرك الى السماء . ولا مكان للالتفاتات الان . كيف يلتفت ؟ من استشعر هذا المقام كيف يلتفت ؟ هذا الالتفاتات اختلاس الشيطان من صلاة احدكم . ده اللي بيفكر فيها كده - 00:49:08

لكن في واحد فكر ما بيفكرون في الشيطان بقى يعني القضية معه ازاي اصلا التفت ؟ ده لو التفاتات جاهز مش هلتفت اصحاب التفت ازاي عن هذا المقام الكريم ؟ وان هذا من سوء اللادب مع الله سبحانه وتعالي . طبعا اللي هيخش بالمقام ده - 00:49:24

هيفهم ليه بقى الانسان لا يأكل بصل او ثوما قبل هذا المقام ؟ ما ينفعش تخش وانت شارب سيجارة وراميها وداخل على هذا المقام العظيم الكريم تجني ثمرات اي ثمرات . احنا بنقول لك تب قبل ما تخش الصلاة . تبقى رامي السيجارة وداخل تصلي . هذا من سوء اللادب مع الله سبحانه وتعالي . يبقى انا لو اصلا فاهم المقامات ده - 00:49:42

هاجي لنفسي على الاقل لو انا لست ما توبتش من السجائر مش هاشربها قبل الصلاة بساعة. ولا بعد الصلاة بساعة. فتجد نفسك في عشر ساعات في اليوم مش قادر تشرب فيهم مش قادر - 00:50:02

ما ينفعش تقول له لا ما ينفعش وهي ايام قلائل وتلقي الموضوع ده اصلا ايه؟ الموضوع ده خلص. يبقى الصلاة هي اللي خلصت لي الموضوع دوت. دخلت خلاص كبرت هتقول بقى - 00:50:12

ادعية الاستفتاح العزيمة بقى. فدعية الاستفتاح تجدها تتراوح بين استغفار والحمد والتعظيم. ليه؟ لأن انت في الحالة دي بين المقامات الثلاثة دول. استغفار بتكمel به. تطهير تحليق وقلنا مسال له اللهم باعد بيبي وبين خطاياي. ثم التعظيم والاجلال - 00:50:24

وكذلك الحمد لأن الله اكرمك بهذا الايه؟ المقام. فلذلك تجد في اذكار مسالا الاستفتاح سبحانه اللهم وبحمدك وتدارك اسمك. وتعالى جدك ولا الله غيرك. ده مقام ايه تعظيم واجلال احنا قلنا اللهم باعد بيننا وقضية مقام ايه؟ استغفار. خد بقى المقام الثالث النبي عليه الصلاة والسلام كان اذا صلى بالليل قال اللهم لك الحمد انت نور السماوات والارض - 00:50:48

ولك الحمد انت ملك السماوات والارض ومن فيهن. ولك الحمد انت الحق ووعدك الحق. ده مقام ايه؟ مقام حمد. تبقى انت كنت عايش ما بين تلت مقامات الان. بين الحمد لأن هو ابلك - 00:51:18

واذن لك ان تقف تصلي بين يديه ولو لا ذلك ما صليت. لولا الله ما اهتدينا ولا تصدقنا ولا صلينا. ومقام التعظيم جلال لما تستشعر عظمة الملك ومقام الاستغفار والتوبة لانك تشعر انك لا يليق بك ان تقف امام ملك وانت مثقل بهذه الذنوب والخطايا. خشن - 00:51:33

لم بقى لو انت داخل بالنفسية ديت. شف حلاوة دعاء الاستفتاح احنا لست ما قريناش الفاتحة على فكرة. فيه ناس بتبتدي تركز في الصلاة من القرآن. احنا ده احنا ما قريناش - 00:51:55

المفروض انت انت خلصت كده خلاص هتخشن على الفتاحة تجد اول حاجة فيها الحمد لله رب العالمين. فتلقي المقام ده اول مقام يقابلك. لان انت تشعر فعلا بالرغبة ان انت تقول الكلمة ديت. انت عايز تقولها - 00:52:05

فتتجد ان ربنا اكرمك وشرعها لك في اول الصلاة. اول الصلاة هنقول ايه؟ هنقول الحمد لله رب العالمين. عشان كده انا بقول لك هو هو اللي شرع الشرائع دي ساعدك على كل المقامات من غير ما انت تشعر - 00:52:23

وجابك واحدة واحدة صح من التوبة للتعظيم للحمد وانت ماشي مطلوب منك تفهم بس مش مطلوب منك ان انت تخترع اعمل اللي احنا بنقول لك عليه. بس افهمه فتقول الحمد لله رب العالمين. هتطلع منك عاملة ازاي دلوقتي. وانت بتذكر بقى ايه حط بقى على على اللي حصل ده نعمه والاء وشرعه وكرمه - 00:52:36

وفضلها وكل النعم اللي ربنا اكرمك بها هتطلع من قلبك عاملة ازاي. الحمد لله رب العالمين. ترسلها تحميدا وثناء وتمجيدها. بعد الحمد لله رب العالمين يأتي مقام بقى ايه؟ طبعي ان الانسان لما بيり ذلك يتتحول الى الحب. فتجد الرحمن - 00:53:03 الرحيم تمتلى قلبك حبا لله تعالى. وانت في كل هذا بتسمع النداء بقى. قال النبي عليه الصلاة والسلام فازا قال العبد في صلاته الحمد لله رب العالمين. قال الله تعالى قسمت الصلاة بيبي وبين عبدي نصفين. فازا قال العبد الحمد لله رب العالمين قال الله حمني عبدي - 00:53:23

لذلك يعني ايه؟ الانسان يقول الفاتحة كده اقف في كل اية اقف لحظة كده. واستمتع باحساسك بالردد الحمد لله رب العالمين حمدا يا عبدي. الرحمن الرحيم. اثنى علي عبدي. مالك يوم الدين - 00:53:43

مجدني عبدي اياك نعبد واياك نستعين. هذا بيبي وبين عبدي ولعبي ما سأل اهدنا الصراط المستقيم. الى اخر الفاتحة. قال هذا لعبي ولعبي ما سأل واحد بيقرأ الفاتحة بالطريقة ديت يطلع عامل ازاي؟ يطلع وسط وربنا استجاب دعوته دي. اللي هي اعظم شيء بيعمله في الفاتحة. اهدنا الصراط المستقيم - 00:54:07

احنا بنبني صح وايه هو البناء؟ البناء هو مجرد وقوفك على الصراط المستقيم. هو ده اللي احنا عايزينه. انت عايز ايه اكتر من كده؟

عايز تيق ملتزم. يعني ايه ملتزم؟ يعني الصراط المستقيم - 00:54:38

طب انت بتقولها في الصلاة كم مرة؟ ليه ما وقفتش ان الدعاء ضعيف. المفروض اطلع استجبت انا خلاص. طب ربنا استجاب لي
انا ليه ليه ليه لية لسة كده؟ لا ما انت انت ما كنتش ما طلبتش - 00:54:48

كما ينبغي اني لا احمل هم الاجابة ولكن احمل هم الايه؟ الدعاء. فاحمل هم ازاي قلتها؟ ازاي طلبتها؟ هل مجتمع عندك في الحالة دي
مقامات الحمد والخوف والتعظيم والاجلال والتقصير. هل احنا بنعمل كده؟ ولا الحمد لله رب العالمين يعني؟ ايه ده - 00:55:03
اي صلاة دي الصلاة دي ما بتوصلكش هي ممكن ترفع عنك الاثم بس لكن ما خدتش منها الثمرات. مجدني عبدي ما لك ييوم الدين. ما
تبتدي بقى تخش ترکز على التعظيم شوية. هقول لك - 00:55:23

ليه دلوقتى؟ اخر حاجة في التلات جمل دي كانت ما لك يوم الدين. تقدر انت بقى تخيل بقى كل بقى القياصرة والجبابرة وكل المشاكل وكل الحقوق الضائعة. وتذكر مقام هؤلاء كله امام الله سبحانه وتعالى. بمن الملك اليوم - 00:55:40
الله الواحد القهار، مالك يوم الدين. و تستشعر عظم المقام. هنالك يومئذ تعرضون. لا تخفي منكم خافية هنالك ووضع الكتاب فترى
المجرمين مشفقين مما فيه. ويقولون يا ويلتنا ما لهذا الكتاب لا يغادر صغيرة ولا كبيرة الا احصاها - 00:56:00

وجدوا ما عملوا حاضرا ولا يظلم ربك احدا. ما لك يوم الدين. فتتجد في نفسك الرغبة ان تصرح وتنادي بهذا النداء الجليل وان تصرخ بها اياك نعبد. انت الذي تستحق ذلك. واياك نستعين. لولا انت ما عبدناك. اياك نعبد واياك نستعين - 00:56:20

هذا بيبي وبين عبدي. ولعبي ما سأل. خد بالك ان انت قربت من ربنا خلاص. احنا كل ده كنا بنعمل ايه؟ بنحلق صح؟ هنا انت خلصت تقريبا في التحليق. ليه؟ لأن الخطاب اختلف. يعني ايه الكلام دوت؟ خد بالك. احنا من اول الصلاة بنكلم ربنا بصيرة - 00:56:43
ما قلناش الحمد لك يا رب العالمين. صح احنا قلنا الحمد ايه؟ لله بصيغة الايه؟ الغائب الحمد لله رب العالمين. الرحمن الرحيم. ما لك يوم الدين. المنطقي ايه؟ اياه نعبد. صح؟ واياه نستعين. لكن هتجد ان الخطاب اختلف - 00:57:03

انتقلت من الغاب الى ليه الى الحاضر. وكانك في الرحلة دي اقتربت اقتربت حتى صرت بحضرة الملك. وصار الكلام ايه؟ كلام خطاب بينك وبينه سبحانه وتعالى. لزلك قال في الحلة دي بالذات هذا بيني وبين ايه؟ عبدي. لأن انت وصلت خلاص. وصلت له. وهنا انت خلاص انت قربت. انت المفروض دلوقتي بتتطوف - 00:57:23

ثمرات بقى اللي انا الهدف من الصلاة. اهدا الصراط المستقيم ما تستشعر انك انت واحد ضمن مجموعة هائلة نالت نفس الشرف دوت
صراط الذين انعمت عليهم وتحاف انك انت من مصير المجهول غير المغضوب - [00:58:05](#)

الفضل والمنة واياك نستعين. فلما قربت بقى وعملت كل المقدمة الجميلة دي بدأت تطلب بقى. اديني بقى اللي - [00:57:45](#)

حول العرش. وانت تصرح بالتصريح العظيم ده. اياك نعبد. وفي نفس الوقت بتقول له انا ولا حاجة. وانا ما بعملش حاجة انت صاحب

عليهم ولا الصالين وبعد كده تقول امين يعني اللهم ايه؟ اللهم استجب اللهم استجب. بعد الفاتحة هتجد عندك اشواق ما هي الفاتحة اصل الفتحة يعني قصيرة شوية فتجد ان رغبتك لم تنتهي. وشووك لم يقف. وان انت كنت فاكر ان خلاص لما اخلص الفاتحة هبقى عايز اركع - 00:58:21

هتللاقي نفسك عندك رغبة في المزيد من القرآن. مزيد من الانوار مزيد من العطايا. هتجد نفسك عندك شوق ان تقرأ. من القرآن فتبتدي تقرأ وتقرأ وتقرأ. ما استغربيش بقى النبي عليه الصلاة والسلام يقرأ البقرة في ركعة مع ال عمران مع النساء. الحاجات دي جاية مني؟ ما احنا بناخد اللقطة ما بنعرفش . مقدمتها - 00:58:41

ونقول للناس احوال السلف من غير ما نقول لهم وصلوا لها ازاي. ونعجز الناس. تقول له ده كان بيصلی بربع القرآن. ده في تلت القرآن
وهده صل . مثـ . عـ اـ فـ اـ لـ هـ وـ دـ صـ . فـ اـ لـ اـ نـ اـ سـ . تـ تـ شـ اـ لـ هـ - 02:59:00

خلاص هو ده اللي بيحصل انت عمرك شفت واحد من الناس قلنا لهم الكلام ده راح عمله عمرنا عملنا احنا عملناه نفسنا. ولا مرة. ليه؟
لان اللي بيقول لنا بيقول لنا النتيجة. ما قلناش وصل لها ازاي - 00:59:12

عايز كمان واصلا طالع من الفاتحة ربنا استجابة دعاؤه - 00:59:27

مالك فلما استجابة دعاءه كل حاجة افتحت خلاص. ما فيش ملل بقى من القرآن. مش عايز يركع واحد بالك فبدأ يقرأ في القرآن.
طب لما يقرأ في القرآن هيقابل ايه؟ هجد كل القرآن فيه تعظيم لله جل في علاه. ما هو القرآن يا اخواننا كلام عن الله تعظيم -

00:59:40

كلام عن قصص الاولين وانتقام الله من الجبارين والظالمين. ونصرة الله لوليائه المكرمين. هاجد كلام عن دار الآخرة وملك الله والجنة والنار. الكلام عن قدر الدنيا الكلام عن الاحكام الشرعية. حتى الاحكام الشرعية يمتلى قلبه تعظيمها من هذا الحكيم. الخبرير الذي شرع هذه الشرائع العظيمة. وبالتالي - 00:59:59

بس طبعا كل ده له شرط انك انت توصل له. قال تعالى ورقل القرآن ترتيلها. وتجد ان ان الدنيا دي بقى بعد ما تقرأ القصة دي لازم تطلع بالثمرة اللي ربنا زكرها في اخر الحجر سورة الحجر. قال ولقد اتيتك سبعا من المثاني. ادي اول الصلاة الايه؟ الفتح - 01:00:25
والقرآن العظيم. هطلع انا بسمرة وايه الثمرة؟ لا تمدن عينيك الى ما متعنا به ازواجا منهم ولا تحزن عليهم واحفظ جناحك للمؤمنين
وقل اني انا النذير المبين. اطلع بقى بثمرة بعد هذه المقامات - 01:00:45

جليلة والتعظيم والاجلال. تطلع الدنيا عندك لا تساوي شيء. تطلع من الصلاة. وتجد ان كل حاجة فيها مشكلة انت في حياتك سببها تعظيم الدنيا. انا لو طلعت من الصلاة بس بعدم تعظيم الدنيا كل حاجة اتحلت. لأن السلف قالوا حب الدنيا رأس كل خط - 01:01:01
نساء دنيا. الشهوات دنيا. فلوس دنيا. المناصب دنيا. الكدب عشان دنيا. الزنا عشان دنيا. الخمر عشان دنيا. الصحاب عشان دنيا طب انا
لو الدنيا دي طلعت زهدت فيها يعني مش مش هاخدها لا زادت فيها ان هي ليست في قلبي الان. يسهل علي جدا ان انا
اتخلص من كل الاعراض - 01:01:21

القضبة الجانبية والمرض نفسه انا خلصت لذلك ربنا ربط بين الفاتحة والقرآن ولا تمدن عينيك الى ما متعنا به ايه؟ ازواجا منهم.
الحسد الغضب الكبر. كل ده ناتج عن ايه؟ تعظيم الدنيا. خلصني من دي. خلص كل حاجة. طلعت انا في السفرات. ببني انا دلوقتنى
مش بابني ببني بايه؟ بالصلاه - 01:01:42

اثناء القراءة ابحث عن بقى ايه؟ اجابات. ما تقراش كده وخلاص. دور في القرآن عن كل اسئلتك الوجودية. من انا ولماذا انا هنا؟ ما
المطلوب مني؟ وما النتيجة واذا لم افعل ما الذي سيحصل لي - 01:02:06
وأبحث عن ايه عن اجابات لحالات مسلا لمازا اعطى الله الدنيا للكفار؟ تلاقي الاجابة. لماذا آآيتأخر النصر؟ طبعا على كده
موجودة. واحد بالك؟ تأمل في القضايا القضايا الكبرى تأمل في مشاكلك الشخصية ايه ايه علاج الحسد - 01:02:24
دور في القرآن. موجود. عيش بقى وركز بقى في كل اللي وانت بتقرأ في المقامات ديت ونزل من القرآن ما هو ايه؟ شفاء ورحمة
مش كده؟ اطلع بقى وانت ايه خلاص خفيت. وبعد كده زي ما قلت لك ركز على - 01:02:45

المعنى الكبير دوت. لو انك انت في كل لحظة في كل اية لازم هتطلع بتعظيم التعظيم ده مشترك في كل يظهر على فكرة ولقد اتيتك
سبعا من لساني والقرآن ايه؟ العظيم. والقرآن كله تعظيم لله جل في علاه. سواء في ذكر القصص او في الكلام عن الله او الدار الآخرة.
او - 01:03:02

حتى الاحكام الشرعية لازم تطلع بمقام التعظيم دوت. وانت تقرأ ويسألونك عن الجبال. فقل ينسفها ربى نسفا. عيش بقى عش بقى
فكرا. فهذا وقعا صفصفا لا ترى فيها عوجا ولا امتا. اقرأ ونفح في الصور فصعب من في السماوات. ومن في الارض الا من شاء الله. ثم
نفح في اخرى فاذا - 01:03:22

هم قيام ينظرون. اقرأ عن الجباره والقاصره كم تركوا من جنات وعيون. وزروع ومقام كريم ونعمه كانوا فيها فاكهين. اقرأ يا حسرتنا
على العباد. ما يأتيهم من رسول الا كانوا به يستهزئون الا كانوا به يستهزئون. اقرأ مشاهد يوم القيمة - 01:03:42
القيمة يعني اينما تقرأ لابد ان تخرج بهذا المقام الكريم مقام الاجلال والتعظيم. فاذا وجدت نفسك قرأت في هذا الامر. طبعا انت مش
 قادر تبطل. بس انت بعد ما بتقرأ وبعد ما بتوصل لمرحلة من القراءة تجد نفسك محتاج تعمل حاجة - 01:04:02

لازم تعملها دلوقتي لازم مش قادر تمسك نفسك في الاول ما كتش لي ما ينفعش موجودة الحاجة ديت. وهي الرغبة الشديدة في الركوع بعد ما وصلت للحالة ديت انت مش عايز تبطل تقرأ - 01:04:20

بس وانت بتقرأ مش ممكن بعد كل المقام ده والاجلال والتعظيم تجد في نفسك رغم ان ما ينفعش افضل واقف كده. هذا رب الجليل العظيم يستحق ان يركع له. فتجد نفسك رغبة ان تهوي تهوي راكعا. تهوي راكعا بالفعل - 01:04:38

فتنزل مع تكبيرة الله اكبر. ثم تهوي تهوي الى الركوع. وهنالك تعظم الرب سبحانه وتعالى. قال النبي عليه الصلاة والسلام واما الركوع فعظموا فيه الرب ازاي ما اركعش بعد كل دوت؟ لو انزلنا هذا القرآن على جبل لرأيته خاشعا متصدعا. انت لن تتتصدع. انت كنت واقف - 01:04:57

لازم تتتصدع لازم فلازم ترجع انت مش هتتفترنك بس انت بتتصدع الان نوع من التتصدع وان من الحجارة لما يتفجر منه الانهار. وان منها لما يتشقق فيخرج منه الماء. وان منها لما يهبط من خشية الله - 01:05:26

فانت الان تهبط من خشية الله جل في علاه. فستنتقل الان الى مقام الركوع ثم الرفع من الركوع ثم السجود والتشهد حاجات كثير حاجات كتير هتخلي لك الصلاة حاجة تانية خالص. صلاة جديدة - 01:05:45

انسان جديد هيطلع من الصلاة وقد بنى نفسه وواجه شهواته وتخلص من المنكرات وسهلت عليه الطاعات صلاة هي راحة البال وهي اليقين وهي قرة عيني وهي ارحنا بها. وهي التي يفوز بها عند الملمات والمهمات. الصلاة بالطريقة ديت - 01:06:02
لما تدوق حلاوتها تعرف مذاقها. لذلك احنا ان شاء الله بقى ايه؟ هنكمي في درس قادم. بقية الايه؟ هذا المذاق الجميل للصلاة. عشان نعرف ازاي راجعة للصلاه جزء كبير جدا محور بناء النفس المطمئنة. جزاكم الله خيرا. اقول قولي هذا واستغفر - 01:06:22